

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 37. stav (5) i članom 46. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 152. sjednici, održanoj dana 29.04.2022. godine, d o n o s i

## **ZAKLJUČAK**

**o usvajanju Programa utroška sredstava Budžeta Zeničko-dobojskog kantona za projekte Instituta za zdravlje i sigurnost hrane Zenica u 2022. godini, u razdjelu 23, budžetska organizacija 01, potrošačka jedinica 0001, pozicija „Tekući transfer za Institut za zdravlje i sigurnost hrane Zenica za projekte“**

### **I.**

Usvaja se Program utroška sredstava Budžeta Zeničko-dobojskog kantona za projekte Instituta za zdravlje i sigurnost hrane Zenica u 2022. godini u razdjelu 23, budžetska organizacija 01, potrošačka jedinica 0001, ekonomski kod 614100 „Tekući transfer za Institut za zdravlje i sigurnost hrane Zenica za projekte“, u iznosu do 100.000,00 KM (slovima: stotinu hiljada konvertibilnih maraka), Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22) i čini sastavni dio ovog zaključka.

### **II.**

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona.

### **III.**

U skladu sa odobrenim sredstvima Budžeta za 2022. godinu za svaku planiranu i završenu aktivnost iz ovog Programa, na zahtjev Instituta za zdravlje i sigurnost hrane Zenica, uz dostavljanje Izvještaja koji treba da sadrži detaljne i mjerljive podatke o provedenim aktivnostima za svaki projekat pojedinačno, Vlada će posebnim zaključcima odobravati isplatu sredstava.

Za prekoračeni iznos odobrenih sredstava Institut za zdravlje i sigurnost hrane Zenica će obezbijediti vlastita sredstva.

### **IV.**

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu, Javna ustanova „Institut za zdravlje i sigurnost hrane“ Zenica i Ministarstvo finansija, svako u okviru svojih nadležnosti.

### **V.**

Zaključak stupa na snagu danom donošenja.

Broj: 02-\_\_\_\_\_/22  
Datum, 29.04.2022. godine  
Zenica

**PREMIJER**

*Mirnes Bašić*

DOSTAVLJENO:

1x Ministarstvo za poljoprivredu šumarstvo i vodoprivredu,  
1x Ministarstvo finansija,  
1x Javna ustanova Institut za zdravlje i sigurnost hrane Zenica  
putem Ministarstva,  
1x a/a.



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZA POLJOPRIVREDU,  
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA ZENIČKO-DOBOJSKOG  
KANTONA ZA PROJEKTE INSTITUTA ZA ZDRAVLJE I  
SIGURNOST HRANE ZENICA U 2022. GODINI**

*Zenica, april 2022. godine*

## Podaci o programu

|                              |                                                                                                                                                                                                                                                                                                                                   |
|------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Program je usvojen:          | na 152. sjednici Vlade Zeničko-dobojskog kantona održanoj dana 29.04.2022. godine.                                                                                                                                                                                                                                                |
| Period realizacije Programa: | Realizacija Programa utroška sredstava Budžeta za projekte Instituta za zdravlje i sigurnost hrane u 2022. godini izvršiti će se u periodu od 01.05. do 31.12.2022. godine.                                                                                                                                                       |
| Ukupna vrijednost Programa:  | 100.000,00 KM                                                                                                                                                                                                                                                                                                                     |
| Namjena Programa:            | Zaštita zdravlja ljudi i životinja, razvoj pčelarstva i povećanje proizvodnje i kvaliteta meda, ispitivanje polena, jačanje dobre higijenske prakse u proizvodnji hrane, dobra farmska praksa, povećanje i jačanje konkurentnosti akreditovanih laboratorijskih kapaciteta, suzbijanje ambrozije, kontrolirana upotreba pesticida |
| Korisnici Programa:          | JU „Institut za zdravlje i sigurnost hrane“ Zenica                                                                                                                                                                                                                                                                                |
| Izvor sredstava:             | Budžet Zeničko-dobojskog kantona za 2022. godinu, Ministarstvo za poljoprivredu, šumarstvo i vodoprivredu, "Tekući transfer za Institut za zdravlje i sigurnost hrane Zenica za projekte"                                                                                                                                         |
| Odgovorna osoba:             | Mirsad Hadžić, ministar                                                                                                                                                                                                                                                                                                           |

## I UVOD

Zakonom o osnivanju Javne ustanove Institut za zdravlje i sigurnost hrane Zenica („Službene novine Zeničko-dobojskog kantona“, broj: 5/15 i 10/18) su propisane djelatnosti Instituta i to:

- praćenje, analiziranje i proučavanje stanja u pogledu pojave, kretanja, suzbijanja i iskorjenjivanja zaraznih, parazitskih i drugih bolesti kod životinja i zoonoza,
- pružanja stručne pomoći veterinarskim organizacijama i proizvođačima proizvoda životinjskog porijekla i hrane za životinje,
- obavljanja terenske i laboratorijske dijagnostike zaraznih, parazitskih i drugih bolesti kod životinja i zoonoza,
- vršenja kontrole zdravstvene ispravnosti sirovina za prehrambenu industriju,
- obavljanja laboratorijske pretrage proizvoda životinjskog porijekla i vode radi utvrđivanja zdravstvene ili higijenske ispravnosti i kvalitete,
- implementiranja projekata koji doprinose unapređenju zdravlja ljudi, životinja i biljaka kao i projekta koji doprinose osiguranju proizvodnje i prometa zdravstveno ispravne hrane,
- pružanja stručnih konsultantskih usluga iz djelatnosti rada Instituta, a posebno iz oblasti sigurnosti hrane,
- obavljanja i drugih poslova u skladu sa Zakonom, kao i propisima iz oblasti veterinarstva, a koji su dodijeljeni veterinarskom zavodu,
- identifikacija rezidua pesticida i drugih nedozvoljenih materija u i na biljkama koje služe za ishranu ljudi i/ili životinja,
- identifikacija teških metala i drugih nedozvoljenih materija u i na biljkama koje služe za ishranu ljudi i/ili životinja,
- praćenje koncentracije alergena u okolišu te davanje preporuka građanstvu u saradnji sa javnim zdravstvom,
- izdavanje upozorenja i sprečavanje širenja štetnih organizama putem savjeta i upustavaza upotrebu proizvoda za zaštitu bilja i putem obavješćavanja javnosti i relevantnih službi,
- vršenje specijalnih laboratorijskih testova bilja, biljnih proizvoda i objekata u svrhu dijagnosticiranja štetnih organizama,
- pružanje stručnog mišljenja poljoiprivrednim proizvođačima u vezi za zdravljem bilja,
- vršenje istraživačkih i razvojnih aktivnosti u oblasti zaštite bilja,
- vršenje dezinfekcije, dezinskecije, deratizacije i dekontaminacije radi zaštite zdravlja bilja,
- vršenje i drugih poslova koji imaju za cilj unapređenje i zaštitu zdravlja bilja, a sa svrhom zaštite zdravlja ljudi i životinja koji te biljke konzumiraju,
- implementacija projekata iz oblasti ruralnog razvoja.

## **II UTVRĐENI PROJEKTI SU :**

### **1. ONE HEALT**

- Kontrola i praćenje zoonoza na području Zeničko-dobojskog kantona
- Svijest o antimikrobnoj rezistenciji
- Unaprjeđenje sigurnosti hrane na području Zeničko-dobojskog kantona

### **2. MJERE BIOSIGURNOSTI**

- Mjere biosigurnosti
- Lovstvo

### **3. DOBRA FARMSKA PRAKSA**

- Peradarstvo
- Mljekarstvo

### **4. RAZVOJ PČELARSTVA**

- Pčelarstvo i pčelinji proizvodi
- Sadnja medonosnih biljaka u svrhu razvoja pčelarstva na području Zeničko-dobojskog kantona

### **5. SUZBIJANJE AMBROZIJE NA ZENIČKO-DOBOJSKOM KANTONU**

### **6. UPOTREBA HEMIJSKIH SREDSTAVA**

- Primjena agrometeoroloških stanica u zaštiti bilja
- Rezidue i kontaminanti u hrani

## **III AKTIVNOSTI PLANIRANE PROJEKTIMA**

- Nastavak saradnje sa držaocima životinja, farmerima, proizvođačima i prerađivačima u Zeničko dobojskom kantonu, kao i sa nadležnim općinskim/gradskim i kantonalnim službama,
- Nastavak saradnje sa registrovanim veterinarskim stanicama Zeničko-dobojskog kantona koje bi u sklopu svojih aktivnosti svaku sumnju na zoonozu prijavili u Veterinarski zavod kako bi se poduzele detaljne laboratorijske pretrage,
- Aktivno provoditi monitorig zoonoza kroz program mjere zdravstvene zaštite životinja Zeničko-dobojskog kantona i FMPVŠ,
- Nastavak edukacije i podizanje svijesti o zoonozama i biosigurnosnim mjerama putem seminara i edukativnih materijala,
- Pratiti, analizirati i proučavati stanje u pogledu pojave, kretanja, suzbijanja i iskorjenjavanja zaraznih, parazitskih i drugih bolesti kod životinja,
- Mapiranje zoonoza na području Zeničko–dobojskog kantona,
- Izrada izvještaja o zoonozama na području Zeničko–dobojskog kantona,
- Obilazak veterinarskih stanica i edukacija zaposlenika Instituta sa ciljem promocije antimikrobne rezistencije,
- Izrada izvještaja o provedenim aktivnostima,
- Uspostava saradnje sa lovačkim društvima i uvid u populaciju i zdravstveno stanje lovačkih pasa na području Zeničko–dobojskog kantona,
- Nastavak jačanja stručnih kapaciteta uzgajivača brojlera i koka nesilica kao i prijedlozi za poboljšanje u sektoru peradarstva,
- Jačanje stručnih kapaciteta veterinarskih stanica po pitanju zdravlja muznih krava putem seminara, treninga i edukativnih materijala,

- Dijagnostičko ispitivanje pčela i meda,
- Mapiranje pčelinjih zajednica po općinama/gradovima Zeničko-dobojskog kantona,
- Organizacija seminara i stručnog savjetovanja za veterinare i lovce,
- Identifikacija rasprostranjenosti ambrozije na poljoprivrednim i ruralnim površinama i izrada karte rasprostranjenosti ambrozije,
- Edukacija-stanovništva različitih kategorija o štetnosti u uništavanju ambrozije na najpovoljniji način,
- Izrada i distribucija letaka o pravilnoj upotrebi pesticida i zaštiti pčela prilikom tretmana voćnih kultura,
- Širenje informacija, podizanje svijesti potrošača i izrada edukativnog materijala o reziduama i kontaminantima u hrani.

#### IV CILJEVI PROJEKATA

- Sveobuhvatan i svrsishodan pristup rješavanju problema zoonoza Zeničko-dobojskog kantona praćenjem, analiziranjem, proučavanjem stanja u pogledu pojave, kretanja, suzbijanja i iskorjenjivanja, zaraznih, parazitaranih i drugih oboljenja zajedničkih ljudima i životinjama,
- Podizanje svijesti držaoca životinja/uzgajivača/farmera o značaju provođenja biosigurnosnih mjera u cilju sprječavanja pojave, širenja i eradikacije zoonoza,
- Monitoring zoonoza provođenjem mjera za otklanjanje i sprječavanje zaraznih i parazitaranih bolesti životinja propisanih federalnim Uputstvom za mjere otklanjanja i sprečavanja zaraznih bolesti životinja za 2022. godinu za područje Zeničko-dobojskog kantona,
- Monitoring zoonoza provođenjem mjera za zdravstvenu zaštitu životinja predviđenih kantonalnim Programom,
- Mapiranje područja na kojima se pojavljuju zoonoze na području Zeničko-dobojskog kantona,
- Zaštita zdravlja ljudi i životinja od zoonoza prenosivih hranom i vodom,
- Ojačati laboratorijsku efektivnu (opremu), te znanje i naučne dokaze putem nadzora/monitoringa i istraživanja,
- Optimizirati upotrebu antimikrobnih lijekova u humano i veterinarskoj medicini,
- Podsticanje dobre proizvođačke prakse (DPP) i dobre higijenske prakse (DHP) u objektima u kojima se proizvodi, pakuje, skladišti i transportuje hrana,
- Opšti cilj projekta je doprinijeti povećanju zaštite zdravlja ljudi, životinja i biljaka u svakoj fazi procesa proizvodnje hrane, kroz uspostavljanje institucionalnih i administrativnih kapaciteta u skladu sa cjelokupnom agendom reforme javne uprave,
- Podizanje svijesti i edukacija aktera klanja životinja u domaćinstvu i učesnika lova sa ukazivanjem na veterinarsko zdravstveni nadzor i dobru higijensku praksu,
- Sveobuhvatan pristup rješavanju problema parazitaranih oboljenja lovačkih pasa koristeći namjenska sredstva za projekte iz oblasti veterinarstva, pružajući laboratorijsku uslugu,
- Unapređenje peradarske proizvodnje i podizanje konkurentnosti peradarskih proizvoda sa farmi peradi Zeničko-dobojskog kantona,
- Unapređenje sektora uzgoja muznih krava i proizvodnje sirovog mlijeka na području Zeničko-dobojskog kantona,
- Analiza cca 200 uzoraka na mastitis kod muznih krava na području Zeničko-dobojskog kantona,
- Analiza do max. 100 uzoraka na mikotoksine iz silaže i drugih žitarica korištenih u ishrani muznih krava,

- Unapređenje sistema upravljanja animalnim otpadom na području Zeničko-dobojskog kantona,
- Cilj projekta je kvalitetna i kontinuirana edukacija i uključenost svih važnih subjekata u lancu pčelarstva,
- Cilj unaprjeđenja pčelarstva u Zeničko-dobojskom kantonu za uspostavljanje kontinuiranog monitoringa zdravstvenog stanja pčelinjih zajednica kroz laboratorije, te educiranje osoblja za ovu oblast,
- Sadnja medonosnih biljnih vrsta za doprinos povećanja biodiverziteta, profitabilniju pčelarsku proizvodnju, te minimizirati razloge premještanja pčelinjih društava i ista svesti unutar prostora Zeničko-dobojskog kantona,
- Smanjiti širenje ambrozije na zapuštenim poljoprivrednim zemljištima, smanjiti broj alergičnih na ambroziju i smanjiti upotrebu pesticida širokog spektra, herbicida, umjetnih gnojiva i povećati biološke mjere zaštite u suzbijanju ambrozije.

## V IZVORI SREDSTAVA

Izvor sredstava za realizaciju ovog Programa je Budžet Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22), u kojem je na stavci "Tekući transfer Instituta za zdravlje i sigurnost hrane Zenica u 2022. godini za projekte" u razdjelu 23., budžetska organizacija 01, potrošačka jedinica 0001, ekonomski kod 614 100 planiran iznos od 100.000,00 KM.

U skladu sa odobrenim sredstvima Budžeta za 2022. godinu za svaku planiranu i završenu aktivnost iz ovog Programa, na zahtjev Instituta za zdravlje i sigurnost hrane Zenica i uz dostavljanje Izvještaja koji treba da sadrži detaljne i mjerljive podatke o provedenim aktivnostima za svaki projekat pojedinačno, Vlada će posebnim zaključcima odobravati isplatu sredstava.

Za prekoračeni iznos odobrenih sredstava Institut za zdravlje i sigurnost hrane Zenica će obezbijediti vlastita sredstva.

## VI KORISNIK SREDSTAVA

Korisnik ovih sredstava Budžeta Zeničko-dobojskog kantona za 2022. godinu je Javna ustanova „Institut za zdravlje i sigurnost hrane“ Zenica.

Broj: 02-\_\_\_\_\_/22  
Datum, 29.04.2022. godine  
Zenica

**PREMIJER**

***Mirnes Bašić***

DOSTAVLJENO:

1x Ministarstvo za poljoprivredu šumarstvo i vodoprivredu,  
1x Ministarstvo finansija,  
1x Javna ustanova Institut za zdravlje i sigurnost hrane Zenica  
putem Ministarstva,  
1x a/a.